

Universitätsbibliothek Paderborn

Acta Ecclesiae Mediolanensis

Actorvm Ecclesiae Mediolanensis, Pars Tertia - In Qva, Liber Memorialis Ad
populum Ciuitatis, & Dioecesis Mediolanensis, A Beato Carolo Borromaeo
Titvli Sanctae Praxedis compositus continetur

Borromeo, Carlo

Brixiae, 1603

Formula Edicti, de examine eorum, qui Ecclesiæ sunt Parochiali
præficiendi.

urn:nbn:de:hbz:466:1-10502

viæ te committas, præter diuinum officium debitu[m], preces etiam illas dicas, quæ itinerarium clericorum appellatur; abstineas item iter faciendo, a profanis cantionibus, & colloquijs ejusmodi, quorum vsu pietatis studium refrigescit; sed Psalmis, Hymnis, & Canticis sacris, animi, & corporis lassitudinem subleues: in omni denique itinere eum te vitæ moribus perpetuo præstes, vt etiam laicis hominibus, religiosè pieque peregrinandi exemplum præbeas. Cum autem ad sanctam Vrbem peruerteris, clericales vestes talares, easque decentes induas; ac de clericalis vestitus, & viæ moderatione, omnia ad nostrorum Conciliorum præscriptum inuiolatè serues; tum quam primum potes, aut biduo saltem post, Reuer. D.N. Protonotarium Apostolicum conuenias, cui has nostras dimissorias testimonialese literas exhibeas, eiisque hospitij tui locum, & socios signifiques: tum præterea, antequam sanctorum locorum visitationem in alma Vrbe Iubilei consequendi gratia ag grediaris, iterum confessario Sacerdoti probato confessus, Missæ sacram facias: totus peregrinationi sanctæ quam suscepisti intentus, non rerum nouarum curiositates, neque aliud a peregrinandi proposito alienum confecteris; sed religiosa animi præparatione, sanctorum Ecclesiæ, & loca sacra visites. Cum verò ab alma Vrbe discessurus es, eundem Reuer. D. N. adeas, a quo nobis literas afferas: nec alio longius vageris: a peregrinatione autem reuersus, nos primum cum literis dimissorijs quas tibi dedimus, & cum illis etiam literis quas ab eo accepitis, conuenias, vt sanctæ peregrinationis tuae testimonium des. His præterea nostris literis testatum certe ris fidelibus esse volumus, te, quod nobis significasti, Iubilei causa sancta hanc peregrinationem suscepisse; nec hoc tempore, quod nos scimus, te apud forū nostrum Archiepiscopale, vello crimine accusatum, delatum, inquisitum, nec condemnatum; neque vello excommunicationis, censuræ alterius Ecclesiasticae vinculo irretitum esse. In quarum re-
zum fidem &c. Dat.

Formula edicti, de examine eorum, qui Ecclesiæ Parochiali præciendi sunt.

C Arolus &c. Vacante Ecclesia parochiali N. Diœcesis nostræ Mediolaensis, nos eo nomine examen, quod ex Tridentina sanctione, prouincialique decreto nostro præstari planè debet, a die promulgationis huius editi, usque ad diem decimum proximè sequentem confecturi sumus, ac deinceps etiam ex auctoritate apostolica nobis concessa, quoisque eidem vacanti Ecclesiæ per nos prouisum erit. Quare omnes ac singulos, qui vel examinari, vel alios examinandos nominare voluerint, praescripto illo tempore, ad Reuerendū N. Canonicum ordinarium, & Cancellarium nostræ Ecclesiæ Mediolanensis, qui nomina describat, conuenire; tum confitura examinis die, coram nobis, atque examinatoribus Synodalibus per nos eo nomine delectis, adesse, hoc editio significamus, atque edicimus; vt quos confecto examine, moribus, etate, doctrina, prudentia, aliisque rebus ad caræ animarum bene gerendæ rationem opportunis, idoneos esse compertum erit, ex ijs nos, quem ceteris magis idoneum censuerimus, illum Ecclesiæ vacatis rectorem parochumve eligamus, ac presieramus. Quod sane, sicut nos pro eo quod debemus, integrè sancteque in Domino præstare cupimus: ita omnes, precipueque illos, quorum Ecclesiæ & cure spirituali per nos consulendum ac prouidendum est, magnopere hortamur, ac requirimus, vt banc nostram solitudinem, pastoraleque studium, omni supplicatione, omniisque intima pietate, ac religiosis precibus, continenter aduent. Dat. &c.

Formula fidei examinis & approbationis pro parocho.

C Arolus &c. Vniuersis & singulis ad quos præsentes literæ nostræ pervenerint, fidem indubiam facimus & attestamur, quod cum Parochialis Ecclesia S.N. nostræ Med. Diœcesis, quæ Presbyter N. de N. dum viueret, obtinebat,

per

